

# Po‘omana‘o o ka Makahiki 2024: Ka Huliau ma ka Mō‘aukala

Na CATHY GORN, Ph.D., Luna Ho‘okele, National History Day®

‘O ke po‘omana‘o o ka National History Day® [Lā Mō‘aukala Kaumoku‘āina] (NHD) no 2024, ‘o ia ho‘i ‘o *Nā Huliau ma ka Mō‘aukala*. He kūpono nō kēia po‘omana‘o, ‘oiai e piha ana he 50 makahiki i ka NHD i kēia makahiki. A, he koho nō ke kau ka no‘ono‘o o nā haumāna i nā huliau o ka wā ma mua e ulu ai ko lākou hoi. E like me ka ma‘amaui, he laulā ke po‘omana‘o, a no laila, e akahēle ma ka wae a ho‘omohala kumuhana ‘ana i kū i nā kālena a mākau a ka haumāna. E wehewehe ‘ia nō kāna kumuhana ma ka pō‘aiapili o ia wā, a e hō‘ike i ke ‘ano o ka loli ‘ana ma ka hala ‘ana o ka manawa. E huli ‘ia nā kūmole kuamua a kualua e kālailai ‘ia, a e wehewehe ‘ia ka pilina o ke kumuhana i ke po‘omana‘o, ‘o ia ho‘i, ‘o *Nā Huliau ma ka Mō‘aukala*.

Ma mua na‘e o kēia, he aha ka huli?

‘O ka huli ‘ana, ‘o ia ho‘i, ka loli ‘ana o kekahi kino o kekahi mea ma kona kūlana alo i luna a i ke kūlana moe alo i lalo paha, a i ‘ole ka ‘ēko‘a.

Eia nō na‘e, he aha lā ka huliau?

‘O ka huliau, ‘o ia ho‘i ka wā e loli ai kekahi mea e kū lō‘ihi ‘ana ma kekahi kūlana, a i kekahi kūlana ‘oko‘a aku.

A no laila, he aha ka huliau ma ka mō‘aukala?

‘A‘ole ‘o ka huliau he hanana ko‘iko‘i i pā nui ai ke ao i ka wā ma mua, a ‘a‘ole ho‘i he ho‘okahi wale nō mana‘o a hana na kekahi kanaka. ‘O ka huliau, he mana‘o, hanana, a hana paha i kuleana ai a i kōkua ai paha kekahi ‘ano loli ‘ana. I kekahi manawa, ‘ike koke ‘ia ka hopena o ka huliau, a ahuwale kona ko‘iko‘i i ka po‘e o ia wā. I kekahi manawa na‘e, ‘a‘ole ahuwale ke ko‘iko‘i o kekahi hanana a mana‘o ho‘oholo o kekahi kanaka, a hala a‘e nō he manawa. ‘O ka ho‘oholo ‘ana o ho‘okahi kanaka e ho‘ololi i ke ‘ano o kona nohona pono‘ī a me ka ho‘oholo ‘ia ‘ana o kekahi mea nui ma ka ‘ao‘ao kālai‘āina e pā ai ka lehulehu, he mau ‘ano huliau ia. He mana‘o a hanana ia e pā ai ko ke ao holo‘oko‘a

a i ‘ole ke kaiaulu kūloko wale nō, a i ‘ole ‘o ke ola ia o ho‘okahi kanaka nāna i ho‘oulu nui ai i ka mana‘o o nā kānaka ‘ē a‘e ma o ke kupaianaha o kāna mau hana. ‘O ka hopena o ka huliau ma ka mō‘aukala, he pili i ka launa ‘ana o kānaka kekahi me kekahi, i ke kālai‘āina, i ka ho‘okele waiwai, a i ka mo‘omeheu paha. Malia he mau ‘ano. Hiki ke pohihihi ka mō‘aukala.

I loko nō o ke kumuhana e koho ‘ia, ‘a‘ole lawa ko ka haumāna wehewehe wale ‘ana nō i ia mea, koi ‘ia ho‘i ke kālailai ‘ana i ke ‘ano i pā ai ke kanaka ho‘okahi, nā kaiaulu, nā aupuni, a me ke ao paha. **‘O ia ho‘i, he aha ke ‘ano o ka nohona ma mua o ka huliau? He aha ia huliau? He aha ke ‘ano o ka nohona ma hope o ka huliau?**

I maopopo ke kūlana ko‘iko‘i o kā lākou mau kumuhana, e aho ke hana nā haumāna e like me ka po‘e kālai mō‘aukala a noi‘i i ka wā, ka wahi, ka hana a me ka hopena, ka loli ma ke au o ka manawa, a me ka pā o kānaka i ia mea:

- › He aha nā kumu i loa‘a ai ka huliau?
- › No ke aha i ikaika ai ka huliau? Pehea kona nānā ‘ana?
- › He aha nā hopena hikiāpoko a hikiāloa?
- › Pehea i pā ai ka po‘e o ia wā i ka huliau? A pehea ho‘i i pā ai ka huliau iā lākou?

A no laila, he aha ka pili o kēia i ka pāhana NHD? Eia he kumuhana la‘ana: ‘o ke kaua. Mai ka ho‘ouka kaua ‘ana o kekahi aupuni a i ka ho‘ouka kaua nui ‘ana o kekahi mau aupuni, he mau huliau nui a ahuwale ke kaua ma ka mō‘aukala. Nui ho‘i nā koho, e la‘a me: ka Peloponnesian War (431–404 BCE), nā Crusades (1096–1291), ka American Revolution (1775–1783), ka Taiping Rebellion (1850–1864), ka Guatemalan Civil War (1960–1996), a nui hou aku. ‘O ke kaua kekahi kumu e loli nui ai ke ao, aupuni, a kaiaulu ma ka ‘ao‘ao kanaka, kālai‘āina, mo‘omeheu, a ho‘okele waiwai.



He ki'i pena o ka Taiping Rebellion na Wu Youru i pena, 1886. Wikimedia Commons.

'A'ole na'e he akamai loa ke koho 'ana i kekahi kaua kiko'i i kumuhana na ka haumāna NHD, 'oiai hana nui ka wehewehe 'ana i nā loli a pau o kekahi hanana nui e like me ia ma kekahi pāhana NHD pōkole. Mai poina, kau palena 'ia ka nui o nā pāhana NHD, he 10 minuke o ke ki'i'oni'oni a he 2,500 hua'ōlelo o ka pepa, a hiki ke piha he mau haneli 'ao'ao i ka wehewehe 'ana i ka mō'aukala o kekahi kaua. A no laila e kau palena 'ia ai ka laulā o ka noi'i 'ana.

Mau nō ka hoihoi i ke kaua? He koho ahuwale ke kālele 'ana ma ho'okahi ho'ouka kaua 'ana, pehea na'e ka noi'i 'ana i ka pā o kekahi kaona li'ili'i ma 'Eulopa Hikina i ke Kaua Puni Honua II? Pehea i pā ai ka nohona kānaka o laila? He aha nā hopena hikiāpoko a hikiāloa no ia kaona li'ili'i a no kekahi kanaka paha? A i 'ole paha, pehea i lilo ai kekahi ho'oholo mana'o 'ana ma ka 'ao'ao kālai'aina he kumu e ho'ouka 'ia ai ke kaua? Pehea i loa'a ai ke kaua ma muli o ko Bosnia kū'oko'a 'ana mai Yugoslavia ma 1992? Pehea e lilo ai ke koho pāloka 'ana no ho'okahi nīnūnē i huliau a pā ai ke ao i ia wā a hiki i kēia manawa?

Ua lawa paha ke kama'ilio 'ana no ke kaua. 'O ke kālai'aina, kānāwai, a me ka hiha ma ka 'aha ho'okolokolo kekahi mau huliau ma ka mō'aukala. Pehea i loli ai ke ao i ke Kipi 'ana o ka po'e Bolshevik ma Lūkia (1917) a me ka po'e Communist Pākē (1962)? Pehea i loa'a ai nā huliau i nā kānāwai Selective Service Act (1917), ka Trade Expansion Act (1962), a me ka Voting Rights Act (1965)? Pehea i loli ai ka pilina o ke Aupuni Pekelala 'Amelika i nā aupuni moku'aina i ka ho'oholo 'ana a ka 'Aha Ho'okolokolo Ki'eki'e i ka hihia 'o McCullough v. Maryland (1819)?

'O ka hakuha o kānaka kekahi mea i loli ai ka pā'oihana a nohona kanaka ma nā 'ano he nui. Pehea i pā ai ka 'oihana mahi 'ai i ka ho'ohakuha 'ia o ka 'ō'ō palau, pahi kākiwi, a kīpulu?

Hoihoi 'oe i ke kūlelepaho?

E KŪ! He mea 'ano hou loa ia i koho 'ole i ka pāhana noi'i NHD. Pehea kekahi 'ano o ka ho'oka'a'ike 'ana e like me ka ho'ohakuha 'ia o ka 'ōnaehana kākau cuneiform ma Sumer, ka mīkini pa'i palapala o 'Eulopa ma ke kenekūlia 1500, a i 'ole ka hakuha 'ia o ka lēkiō me ke kīwī ma ke kenekūlia iwakālua? He aha ka hopena o ia mau huliau?

'O ka ma'i ahulau COVID-19 kekahi hanana i pā ai ka nohona kanaka. Eia na'e, e like me ke kūlelepaho, he mea hou loa ia no ka pāhana NHD a ka haumāna i kēia makahiki. Pehea kekahi ma'i laha wale ma mua e like me ka Ma'i Palū o 1918? A i 'ole, e noi'i paha ka haumāna i ka hopena o ka ma'i Black Death mai 1347 a i 1352.



He haukapila kūmanawa ma Brookline, Massachusetts, i kūkulu 'ia no ka mālama i ka po'e ma'i i ka palū, 'Okakopa 1918. National Archives and Records Administration (NAID 45499327)

I loko nō o kona 'ao'ao ikaika, 'a'ole hiki i ke kanaka ke lanakila ma luna o ke ao kūlohelohe. 'O ke anilā a mau 'ano 'ino o ke ao kūlohelohe kekahi kumu nui ma ka mō'aukala e loa'a ai ka huliau. 'O ka hū 'ana o Mauna Vesuvia ke kumu i pau ai 'o Pompeii ma ka makahiki 79. Pau ka 'au wa'a o ka 'aina Monokolia i ka makani pāhili e ho'omākaukau ana e ho'ouka kaua ma lāpana i ka makahiki 1281. Hū hewa ka 'au moku Sepania i ka makani ma 1588. Ma 1962, hāne'e ke kūlana kauhale lāmekā 'o Port Royal i loko o ke kai ma muli o ke ōla'i. Pehea kēia mau huliau?

I kekahi manawa, he 'ano kū hō'ailona a he 'oia'i'o maoli ka hopena o ka huliau. Ma 1961, kūkulu 'ia he paia ma Berlin e ho'oka'awale ana i ka 'ao'ao Hikina a Komohana o Kelemānia, a ua kū a hiki i 1989. No ke aha i kūkulu 'ia ai a na wai? He aha ke 'ano o ia huliau ma ka mō'aukala ma ka 'ao'ao kālai'aina a launa kanaka? He aha ka huliau no ka po'e ma waho o Kelemānia? No ke aha i wāwahi 'ia ai? He aha nā hopena hikiāpoko a me nā hopena maoli? he aha nā hopena ma ke 'ano he kū hō'ailona a me nā hopena hikiāloa?



'Ākoakoa ka po'e mai Kelemānia Hikina a Komohana e ho'olaule'a i ka pau 'ana o ka Paia Berlin ma ka 'Īpuka Brandenburg, Nowemapa 9, 1989. Wikimedia Commons.

E ākea ka no'ono'o o ka po'e haumāna, a e nānā pono i nā 'ano i pā ai ke au o ka manawa i kāna kumuhana. 'O ka ho'olele 'ia o ka poelele 'o Sputnik e ka Soviet Union ma 1957 kekahi kumu o ka Space Race. Pehea i pā ai ka ho'ona'auao 'Amelika i ia mea? He aha ka National Defense Education Act (1958) a pehea i loli ai ka ha'awina kula ma 'Amelika i ia kāmāwai?

Ke no'ono'o 'ia ka hulīau 'o ka 'enehana, 'o ke kīwī, ka lēkiō, a me ke kamepiula kekahi mau mea nui ma ia māhele.

Pehea na'e ka pahu pa'a hau a me ka 'enehana ho'opa'a hau i ka mea 'ai? Pehea i pā ai nā 'ohana, hale 'aina, a hale kū'ai paha?

He mau la'ana wale nō ia o nā kumuhana mō'aukala he miliona a 'oi.

I loko nō o ke kumuhana e koho 'ia, e kālailai nō ka haumāna a hō'ike i ka hua o kāna noi'i no ko kāna kumuhana 'ano he hulīau ma ka mō'aukala. Pehea e ho'oholo ai ka po'e kālai mō'aukala i ka hopena a loli ma muli o kekahi hanana? A eia, ma ka ho'opō'aiapili 'ana ho'i i kā lākou mau kumuhana ma ka mō'aukala. E hana ho'i ka po'e haumāna NHD pēlā ma hope o ke koho 'ana i kā lākou mau kumuhana. E maka'ala ka haumāna i ka 'ao'ao ho'okele waiwai, launa kanaka, kālaimana'o, ho'omana, mo'omeheu, a kālai'aina o ka wā a wahi o ia hulīau.

Ua hiki nō ia'u ke ho'omau i ke kākau no kēia kumuhana 'o ke koho pāhana noi'i pili i kekahi hanana, mana'o, wahi, a lāhui, mai ka mō'aukala kūloko a i ka mō'aukala honua, inā na'e pēlā, emi ka le'ale'a o ke kōkua 'ana i nā haumāna ma kā lākou noi'i i ka wā ma mua. A 'o ia ka mea nui.



No kekahi mau kumuwaiwai hou aku, e kele aku i [nhd.org/theme](https://nhd.org/theme).

## E HAHAI MAI MA KE KŪLELEPAHO



ma Facebook @NationalHistoryDay



ma Instagram @NHDContest



ma Twitter @NationalHistory



ma YouTube @NationalHistory



ma LinkedIn @NationalHistory



Heluhelu i ka nūleka NHD ma [nhd.org//sign-newsletter](https://nhd.org//sign-newsletter)

## NO KA NŪHOU PILI NHD!